



UNIVERSITÄTS-
BIBLIOTHEK
PADERBORN

Universitätsbibliothek Paderborn

Evsebivs || De Euangelica pr[a]eparatione

Eusebius <Caesariensis>

[Augsburg], 1522

VD16 E 4299

Plearchus de eodem. Cap. iij

urn:nbn:de:hbz:466:1-34477

Plearchus autem Peripateticus in primo libro de Somno Aristoteli attribuens, uerba haec de Iudeis scribit. Multa inquit Aristoteles possent de ipso dici, sed pauca modo referenda sunt, quauis non ignoro multos somnia fingere me putaturos. Tunc Hyperochides idcirco, quia mirabilia dicturus es inquit audire magis gliscimus. Tunc Aristoteles ego inquit, ut rhetorici solent, de genere ipsius primum si placet dicamus. Ita prorsus placet Hyperochides inquit. Ille igitur subiunxit, Aristoteles iudeus erat, qui sunt Calani ex India, Iudaei autem a loco, quem habitant appellati sunt. Vrbs eorum asperrimo quodam nomine Hierusalē nuncupatur. Hic ab altioribus Asiae locis, ad maritimas ciuitates descendens, & lingua & animo Graecus fuit. Cumque accidisset, ut eo tempore nos quoque in maritimis Asiae locis uersaremur, philosophiae amore ad nos sponte uenit, qui multo plura nobis attulit quam accipit. Haec Clearchus. Clæmens autem noster Numam Rhomanorum regem pythagoricum fuisse asserit, & Mosaica nixum doctrina legem dedisse Rhomanis, nullam imaginem deo attribuere, unde annis centum atque septuaginta ab urbe condita, nullam imaginem nec fictam nec pictam in templis Rhomanorum respici potuisse. Ita Numa occulte significauit nullo modo, nisi mente ad similitudinē dei hominem peruenire posse. Megasthenes autem, qui cum Seleuco uixit, uir historiae peritissimus, in tertio Iudaicarum rerum haec dicit. Omnia quae de natura prisca Graeci scripserunt, alij etiam ante ipsos scripserunt. Nam & Brachmani apud Indos, qui & Iudaei uocantur, multo prius philosophati sunt. Aristobolus etiam in primo ad Philometora his uerbis utitur. Legem nostram in multis Plato secutus est. Aperte namque in multis diligenter examinasse singula uidetur, Mosaica enim uolumina ante Alexandrum, & ante Persarum imperium traducta fuerant, unde plurima sicut & Pythagoras philosophus ille accepit. Numerus autem Pythagoricus aperte scribit, nihil aliud esse Platonem quam Mosem attica lingua loquentem. Et in primo uolumine de bono. Plato inquit, atque Pythagoras, quae Brachmanes magni aegypti Iudaeique inuenerunt, ea Graece ipsi exposuerunt. Et in tertio Mosis meminit his uerbis. Iannes & Labres Aegyptij erant uiri magicis artibus

tibus a deo p̄potentes, ut Musæo iudæorū duci uiro deo cōiunctissi-
mo, Soli resistere posse a cunctis Aegyptijs iudicati sunt. Multas
enim calamitates, quas Musæus Aegypto intulit soluere uisi sunt.
His uerbis, Numenius & miraculis a Mose factis, & quod Deo cō-
iunctissimus esset Moses attestatur. Sed iudæicæ gentis Chorylus
etiam Poeta priscus meminit, & multos eorum cum Xerxe in Græ-
ciam militasse affirmat. Porphyrius autem in primo de philosophia
resp̄osorum, Apollinē ipsum inducit de Iudæis hoc oraculum ædī-
disse. Attendere inquit oportet, quoniam omni diuina repletum sa-
pientia est oraculum Apollinis, quod dicturus sum.

Dura uia illa nimis æratis clausaq; portis.

Quæ uitam nobis aperit donatq; beatam.

Nec uero uerbis facile enarrarier ullis

Exponiq; queat, illo quo semita ducit.

Quam primi ante omnes cœperunt tradere pulchras.

Qui Nilī epotant lymphas, phœnicibus inde

Proximaq; assyrijs ea cura, sed inclyta longe

Gens hebræa illam nouit, notamq; recæpit.

Et subiicit exponens. Ita uiam ad deum a Barbaris inuentam fuisse
didicimus ab Aegyptijs scilicet atq; Chaldæis, ij enim Assyrij sunt,
& maxime a Iudæis. Idem Apollo etiam quodam oraculo apertissi-
me demonstrat his uerbis.

Chaldæis quæ uera esset sapientia tantum,

Hebræisq; ipsis concessum agnoscere pura,

Aeternum qui mente colunt regemq; deumq;.

Sed de Iudæorum pietate atque philosophia hæcenus dictum est.

Quod multi conueniunt etiam alieni de ueritate historiae.

CAPVT III.

DE historia uero Hebraica ueritate dicenda conscripta, q̄/
multi conueniant modo consyderemus. Cum igit̄ Mo-
ses diluuium diuinitus illatum conscribat, a quo Noe cū
suis arca lignea euasit, Berosus Chaldæus, Hieronymus
Aegyptius, & Nicolaus Damascenus hystorici eadē de re, ut Iose-
phus in primo antiquitatis Iudæicæ scribit meminerunt. Scribit em̄

v ij Nicolaus